

四庫全書

經部

欽定四庫全書

爾雅翼卷十七

宋 羅願 撰

釋鳥五

鳬

鷺

鷺

鷺

鴈

鵠

鵠

鵠

鵠

鷺

鷺鵠

鷺鷥

屬玉

昆雞

脊令

鳬

鳬似鴨而小長尾背上有文今江東亦呼為鷓陸璣云
大小如鴨青色卑脚短喙水鳥之謹愿者也而說文解
几字云鳥之短羽飛几几也讀若殊詩曰將翱將翔弋
鳬與雁唐陸龜蒙稱冬十月視獲于甫田夜間有聲類
暴雨而疾至者一夕凡數四明訊其畹曰鳬鷺也其曹
蔽天而下蓋田所當之禾必竭穗而後去江之南不能
弋羅常藥而得之攄攄塗枝叢植于陂一中千萬膠而

不飛然則江南蓋未嘗弋也然聞今江南大陂湖中其
取鳬者亦皆以網植兩表於水相去甚遠中綴網焉以
舟自前驅而逐之率一獲千百輩則又與龜蒙說異矣
鳬所在必賊梁食古人亦養之鄒穆公有令食鳬雁必
以粃無得以粟於是倉無粃而求易於民二石粟而得
一石粃故郭氏解方言稱今江東有小鳬其多無數俗
謂之寇鳬寇鳬善飛王充論衡曰日月一日一夜行二
萬六千里與寇鳬飛相類故王喬以尚方所賜烏假形

於鳬自葉縣朝京師焉吳地志曰石首魚至秋化為冠
鳬鳬頭中猶有石也方言曰野鳬甚小而好沒水中者
南楚之外謂之鴈鴈說苑魏文侯嗜晨鳬常以晨飛也南越
志有松鳬棲息松間周書王會鳬羽為旌漢吹飛在上
林苑中結矰繳弋鳬雁歲萬頭

鷺

鷺鷥也一名水鵝海物異名記曰鷺之別類羣鳴喈喈
隨潮往來謂之信鳬南越志曰在潮海中隨潮上下常

以三月風至乃還洲嶼頗知風雲若羣飛至岝渡海者
以此為候鳬鷺之詩稱神祇祖考安樂之引鳬與鷺蓋
水鳥滅沒浩蕩似不可羈而又善別風雲不妄飛集然
誠得其道有可馴之理蓋鳬水鳥之謹愿者而鷺又可
狎海上之人有好鷗鳥者每旦之海上從鷗鳥遊鷗鳥
之至者百數而不止其父使取而玩之明日之海上鷗
鳥舞而不下誠偽之不可掩也如此程氏曰犬吠屠人
世傳有物隨之非也此正如海上鷗爾詩以鳬鷺之馴

為神祇祖考安樂之驗夫鳬鷺鳥爾何足以知神之安樂者蓋古者祭義通於物理故自樂之一變而致羽物及川澤之示以至六變各有所致羽物既與川澤之示相應則所以美神祇祖考之安樂者比之鳬鷺亦其理宜也其稱在涇以下亦有次序蓋涇大川沙少水

說文曰沙

水少而沙見

渚小洲其外有水而已淥水之高者疊者山絕

水水鳥戲廣浮深者也今自涇而沙自沙而渚渚而淥淥而疊流益狹勢益高而鳬鷺在焉此以見其安而樂

之也周禮王后五輅安車用鷩總蓋總著馬勒直兩耳與兩鑣以繒為之鷩者其色青黑如鷩而謂之安車則亦若詩之鳬鷩安樂之義爾然鷩亦有白者不專於青黑山海經玄股國其人食鷩

鷩

鷩庶人以為摯而工商摯雞鷩取其不遠徙雞取其不失時各有宜也曲禮則以為庶人之摯匹鷩能羣居不失其匹者蓋其別名又謂之木言質木也又以為冠准

南子載武王克商之後乃去其簪而載之木解其劍而帶之笏許叔重以為簪被髮也木驚鳥冠也知文者冠驚然則非特取其質木又以文采見取矣驚初無文古稱知天文者乃冠鷖鷖是翠鳥而驚首亦深綠今謂之鴨頭綠豈亦可雜取為冠耶然驚性終質木故古稱刻鷖不成猶類鷖以言刻鷖而脰短猶不失為鷖鷖以喻慕淳厚者而不至猶為謹勅之士云爾驚無所不食易以蕃息今江湖間人家養者千百為羣暮則以舟歛而

載之其雄尾有毛翹起如鈎大率皆雌鳴乘雄與他畜異出水則捨卵於舟中其生子多者不暇伏則以牛矢嫗而出之或不接而食飽者亦能生伏大抵不長耳孟子稱五母雞二母彘言一雞將五雌以此為率多寡得所則易蕃今養鶩者並以一歲再伏者為種其多寡如雞之數然古人貴雞而賤鶩春秋傳曰公膳日雙雞饗人竊更之以鶩是也一謂之鴨禽經曰烏鳴啞啞鶩鳴雍雍鳳鳴喈喈皇鳴啾啾雉鳴嚶嚶雞鳴咿咿鶩鳴嚶

嚶鵲鳴喈喈鴨鳴呶呶鵲鳴喈喈鵲鳴呶呶蓋自雞以下大抵象其聲而為之名又具足鴛謂之蹠鴨謂之跼

雞謂之跼鴈謂之散鴛謂之駭鵲謂之跼

上林賦煩鴛庸渠郭璞曰

煩鴛鴨屬庸渠似免灰色雞脚一名章渠

鴛

鴛與雞鴛皆家禽然二物為摯而鴛獨否者古人以為鴛性頑而傲蓋迫之而愈前抑之而愈叩似不入於禮亦其體大難用也鴛鳴自呼陳仲子言鵲鵲者語之轉

耳吐乳於水中然其子飲者終不雜小而淺黃色者尤
可喜性絕警每更必鳴可以警盜故禽經亦曰鷺見異
類差翅鳴也又養之園林則蛇皆遠去亦主溪毒射工
之類舊說唯食穀稗草菜不食生蟲或言蒼鷺食之白
者不食故主毒以蒼者為良主渴以白者為勝夫羽毛
異於外而食性隨以不同此符朗所以食肉而能知皂
白之處也古唯祈雨用之它祭亦希一名舒雁某氏以
為在野舒翼飛遠者按鷺名舒雁鷺名舒鳧乃是比之

鳬雁而舒遲豈當更能舒張其翼耶鳬既兼有雁名而
方言自關以東謂雁為鴈鳬南楚之外直謂之鳬是雁
又假鳬以為名矣內則言物之不可食者舒雁翠鵠鵠
胖舒鳬翠雞肝雁腎鵠奧鹿胃翠謂尾肉胖謂脇側薄
肉奧脾肫謂藏之深奧處而鳬鳬所去皆翠則同禽經
曰卻近翠者能步卻近蒲者能擲卻脚也鳬鳬脚皆近
翠故相人者以鳬鳬之步宜貴也邕之南多熟鳬毛為
被取項腹軟毛蒸治之如稻畦納之其溫軟不下綿纈

且宜小兒衣中云野鷺曰駕鷺

雁

鴻雁乃一物爾初無其別前章已盡之至詩注乃云大
曰鴻小曰雁雁曷為有小者按淮南鴻烈云雁乃兩來
仲秋鴻雁來季秋候雁來候雁比於鴻雁而小故說詩
者推鴻雁為鴻而別以此為雁也今北方有白雁似鴻
而小色白秋深乃來來則霜降河北謂之霜信蓋白露
降五日而鴻雁來寒露五日而候雁來候雁之來在霜

降前十日所以謂之霜信也唐杜甫詩曰故國霜前白
雁來蓋謂此爾古者執贄雖用鴻雁然當亦通用此小
者故春秋曹伯陽好田弋曹鄴人公孫彊獲白雁獻之
漢武帝太子昏得白雁於上林以為贄即此物也今月
令及周書乃不復有鴻雁侯雁之別月令則云八月鴻
雁來九月鴻雁來賓周書則曰白露之日鴻雁來寒露
之日又來既是一種何得前後不齊如此似不應爾許
叔重注二雁則以為仲秋時候之雁從北漠中來過周

雉南至彭蠡季秋時候之雁從北漠中來南之彭蠡以
為八月來者其父母也是月來者蓋其子也羽翼稚弱
故在後耳而賓字讀聯下句謂之賓雀不取來賓之義
今淮南乃並作候
雁此當有所據

鷓鴣

鷓鴣水鳥色深黑鈎喙善沒水中逐魚亦名盧鷓鴣蒼頡篇
曰似鷓而黑盧與鷓皆黑色故名說文曰茲黑也从二
玄春秋傳亦曰何故使吾水茲也老則頭翼漸白或曰

白黑自是兩種又有一種頭如蛇其頸頗長冬月毛羽落盡棲溪岍水上卒遇人不能去則自擲入水泅沒如常時性不卵生吐雛至八月與兔相似隋書倭國水多陸少以小鑲挂鷓鴣項令入水捕魚日得百餘頭今蜀中尤多臨水居者多畜養之以繩約其吭纔通小魚其大魚不可得下時呼而取出之乃復遣去指顧皆如人意有得魚而不以歸者則押者喙而使歸比之放鷹鷄無馳走之勞而利有差厚漁者養數十頭日得魚可

數十斤然魚出咽皆鯉涎不美出水之後好自張其翅就石上暴之或云峽人謂為鬼烏然峽人乃事烏為鬼

非此物也

上林賦箴疵鵒盧箴疵似魚虎而蒼黑色鵒鵒頭鳥盧盧鵒也南都賦鵒鵒鵒鵒

鵒

鵒水鳥今之鵒鵒形似鵒而極大喙長尺餘直而廣口中正赤頷下胡大如數升囊好羣飛若小澤中有魚便共抒水滿其胡而棄之水盡魚見乃共食之故一名鵒鵒鵒猶洿澤也洿抒水也又庠斗亦抒水器也鵒洿

庠三字同音其義一也淮南曰鵜胡飲水數斗而不足俗呼之為淘河或言其胡能盛水以養魚或曰身是水沫惟臆有肉如拳昔人竊肉入河化為之故名逃河禽經曰淘河在岍則魚沒沸河在岍則魚出莊子曰魚不畏網而畏鵜鵜曹詩曰維鵜在梁不濡其翼彼其之子不稱其服鵜之於魚勤矣出入泥塗翕受渾濁相與竭澤而後有得今乃集於梁之上因人以飽曾味翼之不濡可謂幸矣猶之彼其之子焉必有賢勞奔走之効而

後宜其服今何戈與祲他人為之而赤帶至於三百此
所以為譏也魏黃初中嘗有鵜集靈芝池文帝識之曰
此詩人所謂汙澤者也曹詩刺共公遠君子近小人今
豈有賢智之士處于下位否則斯鳥胡為而至哉詩既
以為貪而無功之物故後人祖而用之王逸九思云鵜
窟兮枳棘鵜集兮帷幄在梁集池猶不可況帷幄耶晁
道云黃河多淘河之屬曰漫畫者常以窟
畫水求魚有曰信天緣者常開口待魚

鵜

鷺禿鵠也狀如鶴而大長頸赤目其毛辟水毒丹陽鄱陽皆有之詩白華曰有鷺在梁有鶴在林鷺貪戀之鳥也故進造于梁鶴高潔之鳥也故退棲於林以喻褒姒申后之進退云爾北史後魏明帝時考獲鷺鳥於宮內遂養之崔光以為此詩所謂有鷺在梁者魏黃初中鵠鵠集而去猶以為戒况饕餮之禽必資魚肉菽麥稻粱之養豈可留意於醜形惡聲哉鷺尤好啗蛇大者頭高八尺善與人鬪一名扶老

鵠

鵠鵠也關西呼為鵠鹿山東通謂之鵠鄙俗名為錯落
錯落者亦言鵠聲之急耳又謂之鵠將鵠鹿鵠將皆象
其鳴聲也子虛賦以弋下雙鵠為游獵之盛而楚辭以
煎鵠鵠為異味解楚辭者曰鵠鵠也然則鵠蓋鵠之類
豈以其色蒼遂謂之鵠耶淮南子鳳皇曾逝萬里之上
鴻鵠蒼鵠莫不憚焉則蒼鵠之為鵠必矣玄鵠長足羣
飛天之將霜先知之而鳴不過旬日而下霜矣

物類相感志

然則鵠之警霜猶鶴之警露也裴瑜注爾雅言鵠麋鵠
是九頭鳥今謂之鬼車鳥秦中天陰有時作聲聲如力
車鳴或言是水雞過說者曰此鳥昔有十頭能收人魂
氣為天狗齧去其一至今滴血不止遇其夜過或滴汗
物上者以為不祥人家皆滅燭呼犬以去之然按夫子
與子夏所見稱奇鵠九首當是今九頭鳥但九首者既
稱奇鵠則非常鵠可知也不當以解麋鵠

劉駒駱玄根
賦一足之變

九頭
之鵠

鷺

鷺水鳥潔白而善為容其集必飛舞而下頭上有長毛
數十枚長尺餘毳毳然與衆毛異欲取魚則弭之其翅
背上皆有長翰毛江東人取以為接羅名白鷺縑亦曰
白鷺縑或以紅鶴毛間之魯頌曰振振鷺鷺于飛鼓咽
咽醉言歸說者以為客有鷺之容耳隋樂志云建鼓商
所作又棲翔鷺於其上不知何代所加或曰鵠也取其
聲揚而遠聞或曰白鷺鼓精也或曰皆非也詩云振振

鷺鷥于飛鼓咽咽醉言歸言古之君子悲周道之衰頌
聲之息飾鼓以鷺存其風流未知孰是隋志之說云爾
考按梓人之職羸者羽者鱗者以為筍虡蓋振古如此
則所謂建鼓之鷺安知非商世所有陳風亦曰坎其擊
鼓宛丘之下無冬無夏值其鷺羽坎其擊缶宛丘之道
無冬無夏值其鷺翾翾或為雉羽與翾皆筍虡之所懸
則鼓上之有鷺舊矣說詩者乃以鷺羽為舞者之翳而
訓值為持不知值者蓋亦植立之義又曰振鷺于飛于

彼西雝說者以西雝為澤按西雝當是置禮樂器之所蓋大雅言於論鼓鍾必於辟雍之地以在西故曰西雝而春秋傳則云西辟樂備是辟雍西雝西辟皆樂器之所在也大射儀建鼓在阼階西南書亦云大貝鼗鼓在西房則西雝振鷺之飛為鼓上之鷺明矣鼓常在西振鷺在鼓之上有飛之象耳建鼓以木貫而載之下有跗又說者以鷺為鼓精者古今樂錄言吳王夫差時有雙白鷺飛出鼓中而入雲故有是名猶會稽雷門之鼓相

傳有鶴飛入其中鼓鳴聞洛陽後破鼓鶴遂飛去亦其類也後世有鼓吹曲亦以朱鷺為首孔穎達曰楚威王時有朱鷺合沓飛翔而來舞舊鼓吹朱鷺曲是也或言朱鷺是漢曲說樂府者亦以為因飾鼓以鷺而為曲之名此則非也飾鼓以鷺而不朱朱自因瑞耳禽經曰朱鷺不攫肉朱鷺不吞鯉

鸕鷀

鸕鷀水鳥蓋雁屬也歸藏曰有見鷺鷥有雁鸕鷀西京

賦亦曰鳥則鷓鴣鵲鴝駕鵲鴻鷄上春候來季秋就溫
南翔衡陽北棲雁門則鷓鴣之為雁類審矣高誘注淮
南云長脰綠色其形似雁鷄又作霜禽經曰摯好風鷗
好雨夾好霜鷺好露然是鳥也以季秋就溫似是避霜
今乃稱好霜者蓋當霜之候飛鳴而來有似好之如白
雁以霜前至謂之霜信摯鳥好風名為晨風也鷓鴣大
體當類雁而段成式乃云狀如燕稍大足短趾似鼠未
嘗見下地常止林中偶失勢控地不能自振又起上凌

青霄出涼州則與此水鳥者異又說文稱五方神鳥焦明鳳皇之屬其在西方者曰鷦鷯禽經述鳳五種亦稱白鳳謂之鷦皆名適同耳古者良馬多取於飛鳥之名以況輕迅故馬有肅爽者唐成公以獻楚子唐開元中獨以驪駿馬當御名蓋取此

鷦鷯

歸藏曰有鷽鷽鷽有雁鷽鷽蓋鷽屬也雄名為鷽雌名為鷽雌雄未嘗相捨飛止相匹人得其一則其一思而

死古者明王交於萬物有道則詩人以此託興其首章
曰鴛鴦于飛畢之羅之二章曰鴛鴦在梁戢其左翼蓋
畢羅此鳥必於其飛之時至其在梁也不掩其不備所
謂戢其左翼者凡鳥翼左掩右為雄右掩左為雌雌視
雄以為進止今是雄者戢翼而無驚遽之虞則其配可
知矣此物蓋相須為命尤在於交之有道也崔豹古今
注曰謂之匹鳥禮記曰庶人之摯匹解者以匹為鴛正
以鳬鷖水鳥之類多相匹爾凡鳥多好以頸相勾如張

平子思立賦云鳴鶴交頸雉鳩相和其歸田賦曰王雎
鼓翼鷓鴣哀鳴交頸頡頏闕闕嚶嚶又說文雉雄雉鳴
也雷始動雉鳴而雉其頸雉从句聲是鳴鶴王雎鷓鴣
與雉皆交頸唯此鳥尤甚其大如鶩其質杏黃色頭戴
白長毛垂之至尾尾與翅皆黑今婦人閨房中飾以鶩
鶩黃赤五彩首有纓者乃是鷓鴣耳然鷓鴣亦鶩鶩之
類其色多紫李白詩所謂七十紫鶩鶩雙戲亭幽謂
鷓鴣也

臨海異物志鷓鴣水鳥毛有五色食
短菰其在溪中無毒氣說文作溪鶩

屬玉

屬玉水鳥似鴨而大長頸赤目紫紺色似鵝鵲漢以名

觀

昆雞

昆雞似鶴

說文作鷄

黃白色長頸赤喙九辯曰鷄雞啁哳而

悲鳴公孫乘月賦鷄雞舞於蘭渚謝惠連雪賦對庭鷄

之雙舞淮南曰鉗旦大丙之御過歸雁於碣石軼鷄雞

於姑餘許叔重謂鷄雞鳳皇之別名

考雞飛八百里郭璞

曰即鷗
雞也

脊令

脊令水鳥大如鷗雀長脚長尾尖喙背上青灰色腹下
白頸下黑如連錢故杜陽人謂之連錢飛則鳴行則搖
不能自舍詩以喻兄弟相救於急難唐明皇時有鵲鵲
十數集麟德殿廷木翔棲浹日魏光乘作頌以為天子
友悌之祥

音釋

覓

父俱切

鴈

音施爾雅沈覓也

几

是俞切鳥羽而飛

殊

市朱切本不

成栗

鵲鵲

工步覓切

似飛掌弋射

繳之

鄭玄曰結繳

也

若切生絲

綴

也

於矢謂之

鵲

鳥兮切

示

巨支切

涑

音惊

疊

音門

鑣

街 繒

疾陵切

鶩

韻書音茂

又音牟

並訓目不明也

按淮南子載武王太公問答大意

謂伐紂之後務欲息兵以禮讓移風俗故有去魯載木

解紂帶笏之說魯疑當通作鑿音牟

胄也去魯載木乃

棄武尚文與下文義協而叔

姬

於遇

伏

扶富

啞

於加

重訓

魯為被髮未詳其義

重訓

啍啍

古崔反

駕

音如

鳴

以沼

撲

補木

咿

於低

啍啍

反

啍

音即

駸

音叩

叩

呼甲

驚

音菰

嬰

於耕

距

之石

啍

音即

駸

音叩

叩

呼甲

咕

反胡告主覓

嗅

反古闕

骹

五利五

鶯

鶯

反午的

鴈

音歌鴈音保

奧

反於六

脾

反扶移

肫

反昌私

藏

去聲

甫

納

當作駕音加

鴈

公孫彊

其良反

鵠

音慈

洎

納

衲

音囚浮行

吭

音杭

咽

音煙

鯉

通作腥

鵠

音窈

鵠

音題

抒

音序鵠音澤

鵠

洎

並荒

沫

音末

何

去聲

投

反東外

芾

音弗

驚

本作鵠

鵠

音蒼

鵠

音括

捋

郎活

鷺

毳

蘇含

弭

音救

衰

音崖

建鼓

上居萬反

一名植鼓

謂

植木而旁懸鼓所以召

令

集號

振

音真

羸

力果

筍

息久

虞

音巨

樂器所縣橫曰筍

力翳反 於計 鼓音墳 跗方于反 夫差下楚 鷓鴣工音肅 下音雙 鵝

音駕 加鷓鴣通作鳥 禽經作雨 按張華注風禽爲類 越人

名商羊字統曰商羊一名雨 天將雨則飛鳴 孔子辨之

於齊庭也 鷓鴣鳥名其羽可爲裘 以辟寒 鷓鴣飛則墮

霜露禽鷓鴣也 屬玉觀去聲 漢書宣記曰行幸長楊

屬玉之館 鉗旦大丙 淮南注二人太乙之御也 一說

軼音迭 又音逸 自姑餘山名 在吳 脊令工音鯽 下音靈

爾雅翼卷十七

欽定四庫全書

爾雅翼卷十八

宋 羅願 撰

釋獸一

麟

狻麋

騶虞

鸞

夔

獬廌

騶駼

六蛟

駮

犀

兕

象

麟

麋麋身牛尾一角春秋之書麟亦曰有麋而角者耳蓋古之所謂麋者止於此是以其物可得而有而其性能避患不妄食集故其游於郊藪也則以為萬物得其性太平之驗是不亦簡易而自然乎至其後世論麋者始曰馬足黃色圓蹄五角角端有肉有翼能飛含仁懷義音中律呂行步中規折還中矩游必擇土翔而後處不履生蟲不折生草不羣居不旅行不犯陷窵不懼罟罔牡鳴曰遊聖牝鳴曰歸和夏鳴曰扶幼秋鳴曰養綏鳴

呼何取於麇之備也若是則閱千歲而不得麇蓋無怪
矣夫麇野物也其為性又善鬪釋獸載之蓋若麇麇麋
鹿之屬焉不之異也叔孫氏之車子不涉於學不能多
識故以為不祥仲尼適見而別之然非必待仲尼而後
識也後世既已神夫麟故史稱漢武帝獲一角獸蓋麟
云曰蓋而云有不足之辭也然麟與萬物並生雖善避
害極獸之所在而畋之則雖麟亦何逃焉然則又未必
非真得麟也世之儒者欲神夫麟之形狀性情使千歲

必不復得以是為麟之靈而吾則欲直從古說簡易而
言之雖並世而得不足為異夫並世而得者蓋皆極獸
之所在而取之如西狩之云者非麟之貪餒而就死焉
則固不害為麟之善避患而有智也蜀之禮殿門有漢
世所圖麟鳳亦只一角獸爾烏得五角有翼之說乎詩
稱麟之角之趾之定蓋麟麋類麋之跡解則麟趾不妄
集矣角端有肉則角不妄觸矣其鬪有時則定不妄鬪
矣若羊之屬以定鬪者也此以比衰世信厚之公子而

已周書王會規規以麟說文麒麟獸麀牝也淮南子
曰麒麟鬪而日月蝕蓋歲星散為麟歲失其序則麟鬪
麟鬪則日月蝕矣麒麟善走故良馬因之亦名為騏驎
也郭璞曰麒麟而無角

狻麈

狻麈如虬貓食虎豹即獅子也蓋虎竊毛謂之虬貓而
西域傳注稱獅子似虎正黃有頰形尾端茸毛大如斗
又詩稱韓土之樂有貓有虎周書記武王之狩禽虎二

十有二貓二則是虎之類也穆天子傳後猊日走五百里其為物最猛雖虎豹猶畏之象至以鼻卷泥自塗數尺數數噴鼻隅立獅子直搏而殺之宋宗慤伐林邑以其陣中象多乃制獅子形與象相禦象果驚奔衆潰遂勝之魏武嘗經白狼山得獅子兒以歸未至洛陽三十里雞犬皆伏無鳴吠者其聲聞數十里產子月餘則教之搏攫遇其吼時百獸率走其子隨吼裂聲旋加驕勇故西域樂工或得其筋紐以為琴絃混之樂部適一鼓

而衆樂絲絃皆絕又謂之虺說文曰虺獅子也

騶虞

騶虞珍獸出林氏山海經云大若虎五采畢具尾長於
身名騶吾乘之日行千里劉芳詩義疏曰騶虞或作吾
然則騶吾蓋騶虞也今詩之騶虞解者類以為此獸歐
陽公著詩本義獨引賈生說以為騶者文王之囿虞其
官也然騶虞從古以為獸司馬相如云囿騶虞之珍羣
史之說有得獸而莫知其名者東方朔識之曰此所謂

騶牙者也則漢武時嘗有獸號騶牙者矣古者音聲之假借以牙為吾故九辯曰左朱雀之茈茈兮右蒼龍之躍躍屬雷師之闐闐兮通飛廉之衙衙讀者曰衙猶吾也故朔稱所謂騶牙即詩之所謂騶虞者爾豈可謂虞官也哉然以詩為直指此獸又大謬蓋此物自獸之俊逸者以其俊逸故馬之健者比之予於駒駉章中極其說又西京賦曰園林氏之騶虞擾澤馬與騰黃是亦以其似馬而稱之也淮南子曰屈商拘文王於羗里於是

散宜生乃以千金求天下之珍怪得騶虞難斯之乘以獻於紂則文王之馬有名騶虞者可見於此是馬也文王必嘗駕習之以從田其智足以知御者之情其才能左右赴趣之使其進退周旋莫不如欲故曰彼茁者葭一發五豝彼茁者蓬一發五縱夫五御以逐禽為難今其馬能與人相應使獲禽之多如此蓋可歎矣此所以申言之曰于嗟乎騶虞也夫騶虞之馬工於逐禽如此而詩言其仁何也蓋一發而得五則庶類蕃殖矣當葭

蓬茁茁之時則蒐田以時矣有以見文王於平時不妄殺如此此其一時之義仁如此詩則王道成矣不必指騶虞二字以求其說也且詩之言仁如騶虞猶禮記言好賢如緇衣惡惡如巷伯皆取其一篇之義不然則所謂緇衣者安知賢而好之後之學者不得其說乃以騶虞不踐生草又曰義獸許叔重解淮南子亦云食自死之獸夫騶虞虎也搏殺援噬之類又其修且碩如此安能日得夫獸之自死者而食之且詩方矜一發五豸之

敏而顧嗟美禽獸為能不踐食生物是義安所措此皆
因詩之序不知其為馬而增為之說也許又云白虎黑
丈日行千里與五采畢具者異故併著之雞斯云神馬
也

鴈

鴈似山羊一角一名神羊一名解東北荒中獸也見人
鬪則觸不直者聞人論則咋不正者古者神人以鴈遺
黃帝帝曰何食何處曰食鴈夏處水澤冬處松栢薦者

澤草之名司馬彪云美草也崔云甘草也王蒼云六畜
所食曰薦莊子亦云麋鹿食薦故薦從艸從薦也荆楚
歲時記稱屈原以夏至日赴湘流百姓競以食祭之常
苦為蛟龍所竊以五色絲合楝葉縛之又以為獬廌食
楝將以信其志然則所食又不止薦爾說者以為人君
刑罰得中則生於朝廷主觸不直者說文亦云古者決
訟令觸不直故又名任法論衡曰皋陶欽平任坐以明
至公所在任法而不任人也古法字作灋從水以言其

平之如水從廌去者廌之所去法之所取後世灋去廌
豈時不及古不可常得從而闕之耶而廌冠之制則傳
於今淮南子曰楚文王好服解冠楚國效之以廌角安
冠上漢之法冠所謂柱後惠文者是也史氏以為楚王
嘗獲之故以為冠春秋傳所謂南冠者也秦滅楚以其
君服賜執法近臣御史服之異志以為解廌一角今冠
兩角非象也然漢史氏特云法冠或謂解廌冠不正決
之則亦不全取象於廌若貂若鶡亦兩植之爾太平廣

記曰安南有象能知人曲直有鬪訟者行立而歟之有理者則過無理者以鼻卷之擲空數丈以牙接而刺之亦薦之類論衡曰觚觚者一角之羊也性知有罪皋陶治獄其罪疑者令羊觸之有罪則觸無罪則不觸獬字或作獬薦之字或作觚觚通作豸唐開元二十年有一角獸肉角當頂白毛上捧識者以為獬豸

夔

夔一足之獸狀如牛蒼身無角生東海中流波之山出

入水必以風雨其音如雷黃帝得之以其皮冒鼓擗以雷獸之骨聲聞五百里舜之諸臣龍虎熊羆皆取於猛獸其樂正名夔魯哀公與孔子論舜樂后夔一足有異於人孔子以舜語告之以為唯聖人為能和六律均五聲知樂之本以通八風夔能若此一而足矣故曰一足非一足也至子貢論夔不達於禮疑其窮孔子以為古人之達於禮而不達於樂謂之素達於樂而不達於禮謂之偏夫夔達於樂而不達於禮是以傳於此名也蓋

禮樂皆得然後可以為成人而不學禮者則無以立夔
自以達樂而不達於禮若夔獸一足然蓋有所不備是
故以為名謙之至也此獸一足故立則疑然書所謂祇
載見瞽瞍夔夔齊慄者蓋其莊立不倚如此行亦不減
它獸故莊子稱夔蹠蹠而行則憐蚺蚺多足則憐蛇蛇
動脊脇而行則憐風風蓬蓬而起則憐目目則憐心考
以明萬物各適其適而不能相為用夔不常見故以為
木石之怪薛綜解東京賦稱夔如龍有角鱗甲光如日

月見則其邑大旱是誠怪矣博物志則言形如鼓而知禮豈亦以其立齋慄故謂知禮耶此與禮記后夔所取達樂而不達禮者義又異矣山海經云岷山多犀象夔郭璞曰今蜀山中有大牛重數千斤曰夔

貘

貘白豹似熊小頭

一云銳鬚

庫脚黑白駁能舐食銅鐵及竹

骨節強直中實少髓皮辟濕寢其皮可以驅瘟癘貘今出建寧郡毛黑白臆似熊而小能食蛇以舌舐鐵可頓

進數十斤溺能消鐵為水有誤食針鐵在腹者服其溺則化取其糞為刀可以切玉夫玉乃陽氣之精瑩物無能勝焉鐵為至剛能斷制萬物然與之相磨則玉無所損而鐵之磨者屑屑然今以猊化鐵則玉可切鐵不可挫此類之不可推者也詳此物之性舌能舐鐵溺能消鐵則一體之間疑皆勝鐵兵疑無所投其刃蜀都賦乃云戟食鐵之獸不應有是戟蓋若戟楮師聲子手之戟摘而取之或者其腸自能制鐵其理間亦可以兵刺也

神異經曰南有獸曰齧鐵大如水牛色如漆食鐵飲水
其糞可作兵器其利如鋸王子年拾遺記曰昆吾山有
獸大如兔毛色如金雌者如銀食丹石銅鐵昔吳國武
庫兵鐵食盡檢庫穴得雙兔一白一黃殺之開其腹而
有鐵膽腎乃鑄膽腎以為劒雄號干將雌號鑢鄒可以
切玉斷犀古稱周之時昆吾氏獻切玉刀蓋用其山之
石若銅鐵不必皆以免也此二獸大小與獬異而其勁
健蓋亦獬之類故附著之上林賦其獸則庸旄獬犛郭

氏又云或曰豹白色者別名獬說文曰獬似熊而黃黑
色出蜀中今蜀人云峩眉山多有之其上浮屠所居住
往有懸釜而炊者懼鐵器為所食皮略如虎其色深黑
能折醒唐世多畫獬作屏白居易有贊序之今黔蜀中
時有之象鼻犀目牛尾虎足土人鬲釜多為所食頗為
山居之患亦捕以為藥其齒骨極堅以刀斧椎鍛鐵皆
碎落火不能燒人得之詐為佛牙佛骨以誑俚俗
唐永徽元
年吐火羅獻大獸如馳高
七尺日行三百里食銅鐵
周書王會不令走玄獬

駒駼

釋畜曰駒駼馬山海經曰北海內獸狀如馬駒駼獸之善走者既如馬而又善走故馬之良者取以為名古之命馬者大抵皆如是既取獸之狡輕者而又參以其毛物唯夫馬之良者既著稱於世而獸不常見後之博物者又鮮能考名實所從起象類所從附故往往但存良馬之名而沒野獸之實蓋古之名馬有曰六駟者曰騶虞者曰騰黃者曰飛兔者曰騏驎者六駟者必其白身

黑尾如獸之六駸者也騶虞者必其白質黑文如獸之
騶虞者也騰黃者必其縞身朱鬣如獸之騰黃者也飛
兔者必其龐然而蒼者也騏驎者必其粹然而黃者也
又子虛賦曰案節未舒即陵狡獸蹙蹙躡距虛軼野
馬轉駒駼乘遺風射游騏張揖曰蛩蛩青獸狀如馬距
虛似羸而小野馬似馬而小駒駼北海內獸狀如馬遺
風千里馬騶如馬一角不角者騏此輩皆輕狡之獸不
可服乘而古之良馬其名往往與此相類以是知其取

稱於此也如使古之駕者必求此獸而乘之則六駮鋸
牙虎爪迺食虎豹之物騶虞大如虎尾長於身騰黃神
物壽且千歲飛兔如兔而鼠首以其背飛麟麇而一角
與夫蛩蛩距虛之負蟹見人而疾走者此豈可乘之物
哉郭璞騶駼贊曰騶駼野駮產自北域交頸相摩分背
翹陸雖有孫陽終不在服此蓋似馬而不可乘之驗也
漢書所謂匈奴奇畜騶駼者即馬之似馬者也周書伊
尹請令正北空同大夏之屬以橐駝白玉野馬騶駼馱

騏良弓為獻至成周時禹氏獻駒駼淮南子曰伊尹賢相也而不能與胡人乘驪而服駒駼

六駮

駮如馬白身黑尾一角鋸牙虎爪其音如鼓喜食虎豹

山海經中曲之山有獸焉云云可以禦兵

蓋駮毛物既可觀又似馬故馬之

色相類者以駮名之子虛賦曰楚王乃駕駟駮之駟西京曰六駮駮吳都曰騫六駮駕乘也騫上馬之名也說者謂取六駮之獸馴而擾之以當駟馬夫駮牙爪如

此安可馴擾唯薛綜解西京以為六駮駮者白馬而黑
畫以文如虎者解駮為馬是也駮用黑畫即與文馬朱
其鬣者相類特不知馬之類蓋有自然似駮者耳管子
稱桓公乘馬虎望見之而伏以問管仲管仲曰意者君
乘駮馬而洧栢迎日而馳乎公曰然曰此駮象也駮食
虎豹故虎疑焉說苑亦稱晉平公出畋見乳虎伏而不
動以問師曠曠曰鵲食蛸蛸食駮駮食豹豹食駮
駮食虎夫駮之狀有似駮馬今者君之出必驂駮馬而

出畋乎公曰然二說相似是馬有自然似駮之獸者因以駮名也顧或言駮食虎豹或言豹食駮為稍異耳一名茲白周書王會篇曰正北方義渠以茲白茲白者若白馬鋸牙食虎豹即此物又大夏以茲白牛不知何物也

劉原父奉使契丹時順州山中有異獸如馬而食虎豹遼人不識以問之曰此所謂駮也為言其形狀聲

音皆是遼人歎服

駮

駮說文曰馬赤鬣縞身目若黃金名曰駮吉皇之乘

或作

古周文王時犬戎獻之

見周書王會篇

春秋傳曰駮馬百駟畫

馬也西伯獻紂以全其身

尚書大傳散宜生之犬戎氏取美馬駢身朱鬣雞目者取

九六馬陳於紂之庭

按駮一曰文馬又曰吉良山海經大封國有

之乘之壽千歲一作吉彊瑞應圖曰騰黃神馬一名吉

光李善曰吉良騰黃一馬而異名也禮說云文王得白

馬朱鬣案此則文馬難得之獸而後世相賂遺文馬百

駟蓋取其白馬畫其鬣使赤耳春秋時宋公子地有馬

公取而朱其尾鬣以與向魍言五行者以為妖此則文

馬之遺象其大封所產曠世不復見矣

唐正觀二年甘肅州獻白馬朱鬣

又乘黃龍翼而馬身黃帝乘之而仙

犀

犀南徼外牛而似豕一角在鼻一角在頂其形已詳見
埤雅多生南中周書伊尹令正南以文犀為獻今徼外
所送有山犀有水犀水犀之皮則有珠甲山犀無之今
通天犀長且銳皆腦上角千歲者長且銳有一白縷直
上徹端名曰通天或以為白理徹端則能出氣通天故

曰通天或曰亦理蓋水犀之角也通天則能通神可以
破水駭雞大霧重露之夜以置中庭終不沾濡得三寸
以上刻為魚而銜之以入水水常開方三尺又以角盛
米置羣雞中雞欲往啄未至數寸輒驚退置屋上則鳥
鳥不敢集置積穀上亦然援神契曰神靈滋液則犀駭
雞戰國策楚獻雞駭之犀於秦王九歌曰棄駭雞於箱
簾此之謂也能殺鈎吻鳩羽蛇毒以此角為箸攪毒藥
中皆生白沫湧起則了無復勢以攪無毒物則無沫起

若行異域有蠱毒之鄉常先以試之趙后所謂文犀辟
毒者謂此也中毒箭將死者以刺瘡中即沫出而愈通
天犀所以能辟毒者其獸專食百草之毒者及衆木之
有刺棘者不妄食柔滑之草木也其在山中晦冥之夕
光正赫然如炬溫嶠燬犀以照水怪蓋謂此歲一解角
於山石間得之者刻木色理形狀相肖以代之犀不能
覺輒復解角其處古所謂梁山之美非特其角兼取其
甲函人犀甲七屬壽百年言其久而不壞也吳王夫差

衣水犀之甲者億有三千人又奉文犀之渠物之利如此昔周公驅虎豹犀象而遠之以去民害又此物輩有皮革齒角之用故古帝王不逐而去之則因而利之其逐而去之者管子所謂黃帝之王謹逃其爪牙不利其器焚破林藪驅逐禽獸以利人者是也其因而利之者則堯舜之王令諸侯子卿大夫委質者皆以虎豹皮飾使散財粟以市虎豹之皮山林之人刺猛獸若從親戚之仇此君冕服於朝而猛獸勝於外者是也至其言五

家之數則又曰黃帝之王謹逃其爪牙有虞之王枯澤
童山夏后之王燒林焚藪沛澤不益民之利殷人之王
諸侯無牛馬之牢不利其器周人之王官能以備物然
則周公之驅虎豹犀象蓋天下初定未暇其他故且行
黃帝夏后之政至其後乃官能以備物虎豹之皮為侯
與其裘犀兕為甲象以飾路而為笏物無不備又服不
氏掌養猛獸而阜蕃教擾之不唯驅之而已也

兕

兕似牛一角青色重千斤或曰即犀之犗者蓋牯犀之
角能辟邪惡寧心神散風熱故良於藥餌犗犀之角文
理細膩斑白分明俗謂班犀故美於服飾犗犀古人或
但謂之犗蓋即兕也猶殺音近牯以其為牂之牯熊音
近雄以為羆之雄而兕音近犗云爾雅曰兕似牛犀似
豕郭氏稱犀似水牛而豕首然則犀亦似牛與兕同但
首如豕耳兕青而犀黑兕一角而犀二角以此為異然
郭又云犀亦有一角者也但古人多言兕今人多言犀

北人多言兕南人多言犀為不同耳漢武帝時西域獻
赤兕裘入水不濡上時服以聽朝即水犀甲之類犀既
有之兕亦宜然兕之草最堅故犀甲只壽百年而兕甲
壽二百年射以得兕為雋故周詩美宣王殪此大兕唐
叔虞射兕于徒林殪以為大甲為是武也以享晉封其
後世之臣相與傳道之以愧其君而楚人招魂稱君王
親發兮憚青兕以為物之偉觀可以娛魂而來之云爾
角尤善觸故曰兕無所投其角古以為觥容七升或曰

無則刻木為之以戒酒過而抵觸人者故曰觶其不敬者周南曰我姑酌彼兕觥蓋爵一升觚二升觶三升角四升散五升因多寡以明尊卑觥在五爵之外所受最多而猶曰姑酌云者則其念勤勞可知亦觥愈大而愈卑則惠及賤者矣詩曰匪兕匪虎率彼曠野論語曰虎兕出於柙者蓋周之初驅猛獸至其後養而阜蕃教擾之說見犀章中

象

南方之美者有梁山之犀象焉象長鼻牙南越之大獸
獸之最大者形體特詭或曰身有百獸肉皆自有分段
唯鼻是其本肉鼻肉為炙肥脆小類豬而含滑呂氏春
秋曰肉之美者髦象之約三歲一乳其身倍數牛而目
不踰豕鼻長六七尺大如臂所食物皆以鼻取之或食
芻必再三整齊乃食能別道之虛實稍虛輒不肯過故
晉時帝行則以象車導引以試橋梁故象難獲者以其
陷阱不能試也其鼻端有爪形得之可以拾鍼若磁石

肉有十二屬其膽不附肝隨身轉諸獸肉中正月建寅
在虎肉上之類其牙長一尺每雷震必倉卒間似花暴
出逡巡隱沒仙方合丹忌雷震驚以象牙夾丹竈得雷
聲乃能發光其齒歲脫猶愛惜之掘地而藏焉削木為
偽齒潛往易之覺則不藏故處馴者教能拜起周章從
人意聽言則跪古者軍旅有象以其牙足恃也身毒國
人乘象以戰王尋等圍昆陽亦驅虎豹犀象之屬楚昭
王奔隨使子期執燧象以奔吳師蓋周有服不氏掌養

猛獸而阜蕃教擾之古者軍旅皆有猛獸為備顧後世不能擾而用之兩燧象者繫燧於象尾視敵所嚮而縱之象迫於火肆其力奔突以犯吳師齊田單之火牛其遺意也象性妬有別不畜淫子嶺南羣象行人不甚畏尤畏孤象蓋孤象是象中之敗羣者衆所不容無所發其怒故尤可畏按世言物象蓋取於象凡有數義夫物之形有首有尾若象者望頭如尾迎之不見其首隨之不見其後有混成之象一曰象感雷而齒文生有象焉

一曰象有進止威儀之象浮屠取之一曰斧象者見星月而沒亦合於天象如韓非則以為世人不識生象得死象而髣象之耳蓋象之合於物象不一而足也春秋運斗樞曰瑤光之精散為象南蕃船上多以象皮鞆鼓鼓長而頭尖狀如棗核謂之檳榔鼓說文豫象之大者賈侍中說不害於物或作舒余

音釋

麟

麇

兩雅通作麟

麇

音君

罽

音浮

麇

古牙切

定

都佞切

狻

上音

酸 𧆦 貓 上昨閑切爾雅虎竊毛謂之𧆦貓竊淺也而說文作而如𧆦許交

騶虞 芟芟 音旆飛躍躍其俱反闐闐音田衙衙反亦

行 園林氏 文選注園牢養也林氏山海經有林氏國擾澤馬注應劭漢書

馴也陰嬉識曰聖騰黃 名神馬一騰黃名吉光薦又蟹解音蟹咋

切 齧 鼻許救切以變 求龜切擊其月切雷獸山海經注

人面龍身疑 魚力切蹠蹠下勑甚切切蛭音賢又蓬蓬步東

扶公 貊 音庫音婢又駁音剝馬神紙溺奴弔拮居

切 褚師 上張呂反哀鎰音剛獠音容郭璞曰獠旌張揖

牛也其狀如犛莫交反犛牛黑色出西南徼外又力之切令支音零岐駒駘

塗音逃蹙七六反麟音宏軼音迭輶音衛車軸頭軼案節

未舒案節行得節未舒馬足未舒騶音陌羸力戈切蛩蛩渠容切蟹音厥禺

音虞又六駮音陌海古盤切駿思俊切駮音鬣輶力

反馬鬣也向雕司馬桓魋也地犀徼吉弔切麋音祿蠱音古

七屬讀如灌注之注謂上旅下旅沛澤上音服下通

獸者不服之兒殪音憚青兒殪丁曠通作解之鼓觚古

切散先肝切孔氏曰散者詘也飲不自節為人謗詘象音彘脆音毳身毒

乾篤國在鞞音瞞
大夏東南鞞覆也

爾雅翼卷十八

欽定四庫全書

爾雅翼卷十九

宋羅願撰

釋獸二

虎

麤

彪

豹

貔

貙

猨

熊

羆

豺

狼

豸

類

猩猩

狒狒

猛氏

角端

桃拔

虎

虎大寒之月始交七月而生性至猛烈雖遭逐猶復徘徊顧步其傷重者輒跑踣作聲而去聽其聲之多少以知其去之近遠率鳴一聲者為一里靠崑倚木而死終不僵仆其搏物不過三躍不中輒捨之其食物值耳輒止以為觸其名名耳故也嘗傷人者耳輒有缺若鋸夜視以一目放光一目看物獵人候而射之目光墮地得

之如白石或曰即虎魄也又知衝破能畫地以卜今人有畫物上推其奇偶者謂之虎卜懸其鼻於戶令人生男故古者胎教欲見虎豹勇摯之物虎子纔生三日則有食牛之氣其不能搏噬者輒殺之為墮武也古者出國用虎節又敵亦為虎形背上為二十七齟齬擊之以止樂字說曰虎西方之獸故敵為伏虎二十七齟齬者三九之數也陽成於三變於九襍之長尺十之數也陽三九而以陰十勝之所以止樂案淮南稱天一地二人

三三三而九九九八十一人應九九八十一之數馬應
八九七十二之數犬應七九六十三之數彘應六九五
十四之數猿應五九四十五之數麋鹿應四九三十六
之數虎應三九二十七之數蟲應二九一十八之數故
曰三九二十七主星星主虎虎故七月而生虎應二
十七故故為虎形二十七齟齬也亦虎嘯而風生風生
而萬籟皆作虎伏而風止風止而萬籟皆息故止樂用
虎爾漢舊儀乘輿帶七尺斬蛇劍履虎尾約履方言虎

陳魏宋楚之間或謂之李父江淮南楚之間謂之李耳
或謂之於魑自關東西或謂之伯都

漢書云
於釋

魑

虎一物也以色別之則黃質黑章者無異名竊毛者謂
之號貓白者為魑黑者為魑此物同而別者也魑亦有
斑但以淺色為質深色為章耳海內東北經幽都之山
黑水出焉其上有黑鳥黑蛇黑豹黑虎黑狐蓬尾此魑
之所聚而孟山獸多白狼白虎鳥多白雉白翟兩山之

間而鳥獸各以其毛色相從理之不可曉者然麕尤猛
今野人言三虎之別黃虎竊人羊豕多方窺伺得之黑
虎所見無不取白虎坐食而已不甚搏殺或云黃是其
幼弱者黑者適壯白者則老矣此亦理之近者也郭氏
稱晉永嘉中秭歸縣檻得黑虎狀如小虎而黑色深者
為斑此豈偶得其小者爾未可全據也

魋

虎西方之獸白西方之色文質皆應其方故古者祭祀

之禮以白琥禮西方白言其色虎言其形也禮西方者以其物享之之義也然白虎不常有故郭氏但引漢宣帝時南郡獲白虎為驗司馬相如稱般般之獸白質黑章為大瑞而世之說者又以白虎為騶虞許氏解淮南子稱騶虞白虎黑文食自死之獸日行千里騶虞之色雖與山海經所說不合然漢儒大抵皆以為白虎又其言白虎性仁食自死之獸瑞應圖曰仁而不害今白虎不甚搏殺坐食而已或云虎之老而仁者有合於仁如

騶虞之義此先儒之所為說歟周書王會曰般吾白虎
晉宋時正旦元會設白虎尊於殿庭蓋上施白虎若有
能獻直言者則發此尊飲酒蓋杜舉之遺式欲令言者
猛如虎無忌憚也

豹

豹似虎園文有數種有赤豹山海經春山多赤豹詩赤
豹黃黑陸璣疏云尾赤而文黑謂之赤豹有玄豹山海
經幽都之山有玄虎玄豹王會篇屠州黑豹有白豹別

名獬淮南曰軍正執豹皮以正其衆豹尾車周制也象
君子豹變以尾言者謙也古者軍正建之漢大駕屬車
八十一乘作三行尚書御史乘之最後一乘縣豹尾豹
尾以前皆為省中周禮射以皮飾侯詩羔裘豹飾楚豹
爲瑣語范獻子獵遺其豹冠

貌

貌豹屬猛獸出貉國詩獻其貌皮曲禮前有擊獸則載
貌貅陸璣云貌似虎或曰似熊一名執夷一名白狐遼

東人謂之白羆郭璞贊云書稱猛士如虎如貔貔蓋豹屬亦曰執夷白狐之云似是而非

羆

羆似虎而五爪釋獸言似狸郭氏注子虛賦稱似狸而大其注爾雅云今山民呼虎之大者為羆然舊說云羆畏虎虎畏羆則羆不當大於虎力能食鹿以立秋日殺物故漢儀立秋日郊禮畢始揚威武乃祠先虞告以烹鮮天子御戎路白馬朱鬣躬執弩射牲牲以鹿麋斬牲

於郊東門載獲車馳騶以薦陵廟名曰羆劉劉殺也羆
於時殺物故以應之於是而賜武官肄兵習孫吳兵法
六十四陣名曰乘之所以為武也又謂之羆腰風俗通
曰嘗新始殺食曰羆腰揚子法言曰若牛羊用人則狐
狸螻蛄不腰臘也歟腰之殺狐狸為多與臘日取螻蛄
皆盡物者故云爾田獵之禮象獸而動漢之羆劉猶周
之表貉也羆既五爪有人之象博物志稱江漢有羆人
能化為虎蜀都賦所謂皐羆氓於萋草者也唐李肇國

史補云俗言四指者天虎也五指者人虎也而吳都賦注乃言羆虎屬能化為人與前說反聞之虎化為人惟尾不化須燒尾乃成人好著紫葛衣足無踵羆是虎類或云羆人能化為虎或云羆虎屬能化為人辭亦相備此亦莊子程生馬之論也

羆

羆獸之長者一名羆蛇以其長故從曼從延雲夢有之子虛賦所謂其下則有白虎黑豹羆蛇羆豸是也郭璞

曰螭大獸似狸長百尋案說文獾狼屬也引爾雅獾
獾似狸獾獾既是狼屬又復似狸又與羆豸同稱則其
形質當不甚相懸正使身長不應八百尺孫愐說獾雖
同郭氏之語至說獾則云獾獾大獸名長八尺夫以狼
羆狸豸之類而其長八尺則已奇而可駭矣八尺正當
一尋郭氏稱百尋者蓋見西京賦云巨獸百尋是為曼
延故云爾漢武帝作蛇龍曼延之戲多作水陸蟲獸如
熊虎猿狖怪獸大雀白虎行孕海鱗變龍罔不畢有以

此獸尤奇故特取之又百倍其長為百尋以為戲玩故薛綜云作大獸長八十丈也郭氏祇據此為說不原物之本狀耳然此戲包物甚多獨名曼延者以其形模自然奇怪又增之令極長最為可玩故主名之又謂之曼

衍之戲

校獵賦云
斷巨挺

熊

熊類大豕人足黑色春出冬蟄輕捷好緣高木見人自投而下亦以革厚而筋驚用此自快故稱熊經鳥伸今

養熊者亦日捶之。以為不捶則有病。獵者刺其革。不可得入。隨即有膏膜之。古稱熊白。此膏之在背者也。寒月則有暑月。則無。淮南子曰。無角者膏。而無前有角者脂。而無後無角者熊。豕之屬肥。從前起者也。有角者麋。羊之屬肥。從後起者也。又方冬蟄時。唯自舐其掌。故其掌特美。烹之難熟。晉靈公殺宰夫之脰。熊蹯不熟者。而楚成王見圍。請食熊蹯而死。以其難熟。冀有外救也。古以熊配虎。為旗。又皆以為王射之侯。又以皮為冠。執畢者。

冠之謂之旄頭乘輿之出則前旄頭而後豹尾蓋乘輿黃麾內羽伏班方前左畢有罕執畢者冠熊皮冠謂之旄頭而豹尾者則取象於豹之尾也必取熊豹者蓋熊於山中行數十里悉有踰伏之所必在山嵒枯木中山民謂之熊館惟虎出百里外即迷失道路熊出而不迷故開道者首熊以出焉豹之為物往而能反故廣志曰狐死首丘豹死首山豹往而能反故殿後者尾豹以入焉

王會篇不屠何獻青熊異苑東土呼熊為子路說文能熊屬足似鹿能性堅

中故稱賢能而彊壯稱能傑也

漢鍾旋以銅篆作
蹲熊及盤龍辟邪

羆

羆似熊黃白文長頭高脚猛慙多力能拔木闔西呼曰
羆羆蓋羆乃熊類古之言熊者率與羆連言之如稱如
熊如羆維熊維羆非熊非羆趙襄子射熊又射羆是也
今獵者云熊有兩種豬熊其形如豬馬熊其形如馬各
有牝牡問以羆則云熊是其雄羆即熊之雌者羆為尤
猛或曰羆大於熊蓋熊為羆之雄而稱熊猶殺為喻之

牯而稱羖兒為犀之孖而稱兒也蓋皆相類而為牝牡
猶麋與鹿交鱣與魚游然其脂如熊白而粗理不如熊
白美也柳宗元羆說稱鹿畏羆羆畏虎虎畏羆羆之狀
被髮人立絕有力而甚害人則羆之力非熊比矣韓奕
稱韓土之樂稱有熊有羆有貓有虎叙所多有者耳而
終章言獻其貔皮赤豹黃羆又皆猛獸之罕得者此所
以異而書也陸機云貔遼東人謂之白羆又云羆有黃
羆有赤羆禹貢梁州貢熊羆狐狸是中國常貢此追貍

之國自以所有而獻所謂各以其所貴寶為摯如犬戎氏以白狼白鹿獻穆王也王會篇東胡黃羆成王時獻此獸周禮穴氏掌攻蟄獸各以其物火之謂熊羆之屬冬藏者燒其所食之物於穴外以誘出之故熊羆皆從火羆又加罔也後鄭解羅氏蜡則作羅襦引火田之事以為今俗放火張羅其遺教說者以為漢之俗間在上放火於下張羅承之以取禽獸是周禮之遺教

淮南子散宜生

得玄豹黃羆青犴白虎
文皮千合以獻於紂

豺

豺似狗牙如錐足前矮後高而長尾其色黃瘦健今人稱豺狗霜降之日殺獸四面陳之世謂之祭獸月令季秋之月豺乃祭獸戮禽蓋鱗屬則獺正月祭魚羽屬則鷹七月祭鳥毛屬則豺九月祭獸戮禽古者禽獸之別大曰獸小曰禽亦曰四足而毛曰獸二足而羽曰禽今豺乃狗類不應捕二足羽物應以大小為別爾先儒以為祭與戮者禽獸皆殺之但獸則殺而又陳禽則殺之

而已不以為祭又曰禽獸初得皆殺而祭之後得者殺而不祭詳戮禽之文在祭獸之後則是當祭之時擇大獸而祭之後乃方殺戮餘禽而食如云鷹乃祭鳥用始行戮祭即是殺而不食不應又有戮而不食之事也其祭世以為祭天而魏蔣濟云豺獾自祭其先不祭麒麟然則亦非祭天也豺能為聲故楚穆王豺聲而令尹子上知其忍人也其肉酸不宜食蓋食虎者虎見而畏之且能却物彫食豹令人志性粗肉消則定食豺消入脂

肉損人神精劉子曰鹿形似馬而迅於馬豺形似犬而
捷於犬國有千金之馬而無千金之鹿家有千金之犬
而無千金之豺以犬馬有用而豺鹿無用也世傳狗者
豺之舅豺遇狗輒跪如拜狀獵者不殺豺以豺為同聲
又南方惡豺向人作聲以為不祥

說文漢律能捕
豺獨購百錢

狼

狼貪猛之獸聚物而不整故稱狼藉又稱粒米狼戾周
禮王及五等諸侯之出皆有執鞭趨辟者號條狼氏條

滌也謂滌除狼扈道上者狼好積聚 故楚語曰令尹
問蓄聚積實如餓豺狼焉是也狼猛而敏給能自顧其
後淮南子曰鵠視而狼顧賈誼曰失時不雨民且狼顧
周公居東遠則四國流言近則王不知而不失其聖故
以狼跋胡彘尾比之股中有筋大如鷄子又筋滿身如
織絡之狀盜不可辨者焚狼筋以示之則為盜者變慄
無所容或曰郎巾者菌之類非此獸之筋也其鳴能小
能大善為小兒啼聲以誘人去數十步雖善用兵者不

能免也還之詩曰並驅從兩肩兮肩者獸三歲也次章曰並驅從兩牡兮牡者獸之父也末章曰並驅從兩狼兮狼謂此也然則前兩章肩與牡為何獸曰皆狼也爾雅曰狼牡獾牝狼其子獾絕有力迅獸三歲曰肩揔羣獸子之名則獾亦肩矣末章言牝狼則前言牡者狼之牡也始章從狼之子次章從其牡又末章從其牝然則牝固猛於牡何為先牡後牝蓋鳥之類雄鷲於雌獸之類牝猛於牡以乳護其子非可得犯也是以羆為熊之

牝而羆猛於熊狼為羆之牝而狼名獨著而虎猛者稱
乳虎蓋其類也古者君子左取狼為裘又食其肉禮記
狼臠膏是也狼腸直故作聲諸竅皆沸邊庭候望設狼
烟以其直上風吹不斜也今馬之駿者溺皆射前足鷹
鷂醜其矢不墜皆橫激而去若箭其俊猛者尤遠蓋是
氣烈所發爾故古者矢之為字通用弓矢之矢田俅子
曰有神手牽白狼口銜金鈎而入湯庭王褒曰宣王得
白狼而夷狄賓

豸

豸胡地之野犬也

似狐而小

或云狐犬謂狐與犬合所生也

字通於豸古者獄從兩犬謂爭訟之所以犬守之而狴

狴又獄名狴獸也豸即此胡犬也蓋其防閑過禮如犬

之義故揚雄法言曰狴豸使人多禮乎言不能使人多

禮但使不犯足矣豸古以為裘玉藻所謂麕裘青豸裘

紋衣以裼之者蓋自狐青裘豹裘麕裘青豸裘羔裘豹

飾狐裘皆裼犬羊之裘不裼不盡飾也然則豸雖犬而

與犬異矣又以為射侯而喪車漆車以為禡蓋王之喪
車五乘木車青素車白藻車黃駟車赤漆車黑犬鹿淺
然豸之類大率象其色星禽家言豸是猛獸能食獅子
虎豹今獄中所畫獸首是其象故曰豸獄云

中車
疏考

類

萬物之化有不可致詰者莊子稱白鷗之相視眸子不
運而風化蟲雄鳴於上風雌應於下風而風化類自為
雌雄故風化彼或以色或以聲獨類不待色聲假於風

而已說者以類為萬物之類猶如草蟲異種而同類者
然萬物之類蓋多矣援獬豸以為雌麋鹿之交鱸魚之
游彼非其類且有之同類安足言也類蓋鳥獸之名列
子曰亶爰之獸自孚而生曰類河澤之鳥視而生曰鵲
併鵲而言之則莊子之所謂也然以山海經論之類有
二種其一則獸之生亶爰山者如狸而有髮其名曰師
類如列子之所說其一則帶山之鳥如鳥而五采文其
名曰竒類此亦四方之異氣也

猩猩

猩猩小而好啼山海經曰人面豕身能言語郭氏曰今交趾封谿縣出猩猩狀如獾狫聲似小兒啼海內南經曰猩猩知人名其為獸如豕而人面在舜葬西周書王會曰都郭國獻之若黃狗而人面也又海內東北經有青獸人面名猩猩能言張華博物志曰猩猩若黃狗人面能言蓋古文言猩猩者皆如此一以為豕身一以為狀如獾狫一以為若黃狗郭氏贊曰厥狀似猴號音若

嚶後世之談猩猩者以為若婦人被髮但足無膝常羣行遇人則以手自掩其形好飲酒著履人有取之者置酒以斗石許而作履相連猩猩始見必大罵曰誘我也輒能知誘者之姓名及其祖先井道之乃絕走遠去既去不能忍已而復來稍稍相勸染指於酒而嘗之躡履而試之已而又去去而復來厥態如初既而不能忍則連臂號泣相與就醉躡履而為人所禽故淮南云猩猩知往而不知來以能知誘之者為知往不知被禍為不

知來而吳都賦曰猩猩啼而就禽也然則其狀大抵皆
如人與狒狒不甚相遠荀卿曰今夫猩猩形相亦二足
無毛也既言二足而又言無毛則去人不遠矣今人謂
之野人然而不知禮故曰猩猩能言不離禽獸

萬畢術
曰歸終

知來猩猩知
往歸終神獸

狒狒

狒狒如人被髮迅走食人蓋人面紅赤色長脣大口能
作人言如鳥聲自知生死舊說反踵獵者言無膝睡常

倚物黑身有毛大者長丈許力負千鈞行疾如風左手
操管自笑笑即上脣掩目或曰見人則笑或曰其初得
人喜而笑則上脣覆其額移時而後食之人因為筒貫
於臂上待其見執即抽手從筒中出鑿其脣於額而擒
之或曰以釘釘着額任其奔馳候其死而取之髮極長
可為髮其血可染緋張衡元圖曰梟羊喜獲先笑後愁
郭璞贊曰狒狒怪獸被髮握竹獲人則笑脣蔽其目終
乃號吽反為我戮一名嚮嚮亦作嚮一名獬獬一名梟

羊皛陽一名山獬俗謂之山都北方謂之土螻周成王

時州靡國嘗獻之其後不常獻而常有今交廣南康山

中有之吳都賦其上則獬子長嘯其下則皋羊麋狼又

言萬萬笑而就格則終篇而三及之每說異名莫知其

同異然獬獬可謂異獸者矣

王會篇云萬萬

淮南曰山出皛陽

水生罔象木生畢方井生獫狁人怪之聞見鮮而識物

淺也

陳藏器云出西南夷如猴宋孝建中進雌雄二頭命工圖之飲其血令人見鬼上林賦射游皋郭璞

曰皋羊也羽獵賦罔皛陽

猛氏

上林賦鋌猛氏郭璞曰今蜀中有獸狀如熊而小毛淺

有光澤名猛氏

疑有闕誤

角端

角端似豬或云似牛角在鼻上可作弓說文角端獸也
出胡休多國續漢書鮮卑有角端牛以角為弓宋符瑞
志曰角端日行萬八千里又曉四夷之語明聖在位明
達方外幽遠之事則奉書而至此乃異物非以角為弓

者瑞當
作獬

桃拔

西域傳烏弋有桃拔一名符拔似鹿長尾一角者或為
天鹿兩角者或為辟邪一名扶拔漢章帝時月氏獻之
和帝時安息獻之形似麟而無角鄧州南陽縣北有宗
資碑旁有兩石獸鑄其膊一曰天祿一曰辟邪天祿閣
亦因獸
立名靈帝鑄天祿蝦蟆宋符瑞志天鹿者
純靈之獸五色光耀洞明王者道備則至

音釋

虎

跑

音庖

踣

反許交

墮武

淮南子注墮廢也武威之也

敌

音語齧齧或作

鉏鋤不櫟

音櫟

於彪

音鳥

魴

音式六又

竊毛

兩雅竊淺也

號

音殘又

貓

音苗

彪

音舍

般般

音斑

豹

豹尾後漢

輿服志注豹尾之內為省中列小學漢官篇曰豹尾過後罷屯解圍

貌

婢走

貉音陌

摯

至音猯

反許求

載

舉音戴本亦作戴謂舉於旌首以警衆

羆

樁俱反音與攄同

劉

腰

並龍珠

反揚子

注腰

八月旦也

今

螻

螻

工音樓

下與

河東俗奉以為大節祭祀先人

以申韓刑名如牛羊之用人則人之亡也何可

表貉貉

祭也音陌於所立表之處祭

羆

注羆

也

羆

注胡了切文選

造軍法者禱氣勢之增倍

格蔓於亮反程莊子云程生馬嘗觀文字注秦人謂豹

言蟲也方言如此程余至延州人至今謂虎豹為程蓋

抑亦舊俗也筆談猥音萬延音豸音犬也又音岬野狄

余救熊經鳥申莊子音義經如字李古定反若

鳥之頻捶之累反肺音而蹠音單音畢說文單許早

文網也天子出有罕車四也又云罕大旗為罔今俗謂

網旗蔡邕獨斷曰前驅有九旒雲罕後漢輿服志注武

王伐紂百夫荷跽阻頑首去聲注鐘旋旬宣反周禮鳧氏

罕旗以先驅反旋謂之幹注旋屬鍾柄所以蹲音存坐羆音慙呼

切癡音家踰音俞羆音古羊鰮音秋陸佃云鰮今泥

延自染難握追上都回反戎狄國名詩其追其貌蜡通作措音襦細

與魚為牝壯之羅讀為襦有衣初之縐汝俱反或音須周禮注豺獺音捷彪音媚注狃

女骨切亦作獬豸屬蒼黑無前足善捕鼠狼超辟上七須反條上音

五等公侯伯獾音歡獬爾雅音亦壯名獾牝名狼其子

疾也音觸內則注田漢藝文志有田球子三篇蘇林曰球音仇犴音

衮亦作絞戶交反蒼楊音錫玉藻注君衣狐白裘則以

有衣曰楊必覆之者裘射侯大射有干侯干藻車杜子

之藻華藻馬音龐禊莫歷反周禮注以皮為覆苓韻然然

也駝車然襖

類

鵯

反五歷

草蟲

按莊子音義云方之物類猶如草土異種

而同類也

援獮狙以為

雌

七餘反

狙一名獮

狎

反李音偏

狙

而

音葛

雌音妻

一音如字

狗頭憲與雌

援交也

獮

宣

爰

山海經

宣音蟬

山多水無

音

如字

如狸而有髦

名曰類

自為牝牡食者不妬

猩猩

所庚

狒狒

音聃與鬻

鬻同

髮

平義反

山獬

許歸

噪陽

淮南子注

麋

才分

墳

羊

國語作

羴

雌

雄不成者也

淮南

畢方

木之精也

狀如鳥

青色赤

罔象

子注土之精也

罔象

罔象

罔象

罔象

國語注龍神獸罔

注罔

工犬

猛氏

鉦

小牙也

桃

象食人一名沐腫

反

桃

桃

桃

拔

月氏

下音支

西

膊

普各

爾雅翼卷十九

欽定四庫全書

爾雅翼卷二十

宋羅願撰

釋獸三

鹿

麋

麇

麀

麀

麇

麇

猴

蝮

獾

獾

蝮

鹿

六為律律主鹿故鹿六月而生鹿雖應律然非辰屬八卦無主故陶隱居云古稱馬之似鹿者直百金今荆楚之地其鹿絕似馬當解角時望之無辨土人謂之馬鹿以是知趙高指鹿為馬蓋以類爾鹿角無枝曰角有枝曰觿又獵者云鹿自有無角者名為麀鹿凡鹿夏則解角而易毛冬則角長而毛深故喪車鹿淺禡說者謂以鹿夏皮為覆簦也古者伏犧之世麗皮為禮按說文集韻云麗旅行也鹿之性見食急則必旅行禮麗皮納聘

蓋鹿皮也

皮弁以白鹿皮為冠

益州人取鹿殺而埋地中令臭乃

出食之名鹿痿鄭康成說曲禮云國君春田不圍澤大

夫不掩羣士不取麇卵又月令孟春云毋麇毋卵以春

時先乳特禁之也然周官迹人掌邦田之政令禁麇卵

者說者曰此謂四時常禁也注云為其天物且害生多

里革曰獸長麇麇孟孫獵而得麇使秦西巴持歸烹之

麇母隨之而唬秦西巴弗忍縱而予之論語稱孔子素

衣麇裘孔叢子曰孔子為司寇攝朝事人歌之曰麇裘

之芾投之無戾芾之麋裘投之無郵

麋鹿麋也

黃帝時南夷

乘白鹿來獻鬯成周黑齒貢白鹿漢武以白鹿皮為幣

宋符瑞志白鹿王者明惠及下則至

麋

麋與鹿相反鹿是陽獸情淫而遊山夏至得陰氣而解角從陽退之象麋是陰獸情淫而遊澤冬至得陽氣而解角從陰退之象今海陵最多千百為羣多牝少牡入言一牡輒交十餘牝又與鹿交魯莊公十七年冬多麋

劉向以為麋色青近青祥也麋之為言迷也蓋北獸之淫者是時莊公將取齊之淫女其象先見京房易傳曰廢正作淫大不明國多麋又曰震遂泥厥咎國多麋古者獸人冬獻狼夏獻麋麋之性黠戰國策陳軫曰今山澤之獸無黠於麋麋知獵者張網而驅已也因還走而冒人至數獵者知其詐偽提網而進之麋因得矣淮南子曰孕婦見兔而子缺唇見麋而子四目武帝天漢四年令諸侯王大國朱輪特虎居前左兕右麋小國朱輪

畫特熊居前寢麋居左右卿車者也古天子燕射熊侯
白質諸侯麋侯亦質又許慎云古禮執羔麋鹿取其跪
乳羣而不黨按鹿子曰麋麋子曰麋羊既用羔則麋鹿
亦當用麋麋為物既小可得而擾也後漢志廣陵東陽
縣多麋注博物志曰十千為羣掘食草根其處成泥名
曰麋畷民人隨此畷種稻不耕而獲然則古謂水澤之
地如孟諸之麋者豈此地類也

左傳迹人來告曰
逢澤有介麋焉說文

麋麋壯者麋牝麋也

麋

麋之性怯又謂之麋章者張皇也俗謂之白肉言其白
膽易驚怯道家以麋鹿不在十二屬非腥膩之物羞為
白脯其飲水見影驚奔麋豪之人食其心肝者便即小
膽若素懦者則轉怯不知所為麋乃極能走然未及鹿
淮南子曰鹿之上山獐不能跂也及其下牧豎能追之
才有所脩短也古者畫績之事山以章水以龍說者以
為章讀為獐獐山物也在衣齊人讀麋為麋馬氏以為

獐山物畫山者并畫獐龍水物畫水者并畫龍鄭氏謂以獐表山以龍見水也有有牙者有無牙者崔豹古今注曰麋有牙而不能噬鹿有角而不能觸大者不過三十斤老則牙見於外淮人謂之牙麋穆天子傳天子賜曹奴之人黃金之鹿銀麋注云今有在地中得玉狔金狗之屬此皆古賂夷狄之奇貨也蓋古嘗有此瑞物故以金銀倣而作之宋符瑞志曰白麋王者刑罰理則至晉咸寧三年見魏郡

春秋運斗樞曰
樞星散為麋

麇

麇大鹿也其字從主若鹿之主焉麇之所在衆從之其尾可用為拂談者執之以揮言其談論所指衆不能易也上林賦沈牛麇麇漢書粵地山多麇麇麇似鹿而大麇似鹿而小其尾能留紅色婦人以真蓍帛中經十餘年色不退以拂氈則氈不蠹周書王會篇稷謹貢大麇

稷謹謂肅謹 又世俘篇武王狩禽麇十有六

麇

麋大麋旄毛狗足能上木好作聲字說曰麋虎所在必
鳴以告鹿屬馮而安者亦其聲几几然出東南山谷今
有山林處皆有而均房襄漢間尤多實麋類也大麋毛
長狗足者名麋南人往往食其肉然堅韌不及麋味美
多食之能動痼疾其皮作履烏勝於衆皮又有一種類
麋而更大名麋山海經曰女兒之山其獸多麋麋宋書
符瑞志銀麋刑罰得中民不為非則至

麋

麝如小麋臍有香釋獸謂之麝父字書謂之麝周書武王狩禽麝五十冬食栢葉夏食諸蟲尤噉蛇至寒則香滿入春急痛自以爪剔去之落處遠近草木皆焦黃此為生香若人帶過園中者瓜果皆不實范燔云麝性多忌今亦未知其所以為多忌者然楊文公常言商汝山多羣麝所遺糞常就一處雖遠逐食必還走之不敢遺迹他所慮為人獲人反以是求得必掩羣而獲之此當是多疑忌之義亦佩其香者經遊園囿多所避忌故以

比刺當時之人其毛可以為筆鄭虔云麝毛筆一管寫書直行四十張狸毛筆一管界行寫書八百張又有水麝臍中唯水漚一滴於斗水中用灑衣衣至弊而香不歇唐天寶初養於圓中麝獸之香者故物之香者比之今有麝香鳥又有麝香水又靈猫似麝生南海山谷如狸自為牝牡亦云蛉狸異物志云靈猫其氣如麝

麝

麝大羊似羊而大角圓銳

說文大羊而細角


好在山崖間夜宿

以角挂木不着地其角多節蹙蹙圓繞彎中深銳緊小
猶有挂痕耳邊聽之集集鳴者良慢無痕者非也其角
號為有神故能辟去不祥今之金剛者出西域狀若紫
石英百鍊不消切玉如泥置之山頂亦陷石而入及金
處同類相見而止可謂堅矣惟此角能壞之麋雖大羊
而性與羊異故字從鹿而釋獸叙在麋麋之前今人只
作羴北人多食南人食之免為蛇蟲所侵

工林賦足豷
羊張揖曰麋

羊也似
羊而青說文麋山羊而大者細角

猴

猴一物而五名說文猴變也變貪獸也一曰母猴似人
獲母猴也爾雅云獲父善顧獲持人也為母猴也其為
禽好爪爪母猴象也下腹為母猴形王育曰爪象形也
古文為象兩母猴相對形禺母猴屬頭似鬼由者
鬼頭也然則猴變獲為禺蓋一物又有沐猴母猴之稱
母非牝也沐音之轉耳然禺但是其屬變乃是狨獲又
大皆猴之類而非猴也猴狀似愁胡而手足如人其聲

嗚嗚若咳今大林中有猴多處一大猴在木輒累累以
手相援下飲好象人所為生子輒做人浴之山澗中鷹
鳶過其上以一手按之仰視不轉子往往死水中輒相
率哭泣埋之鄉人設果菽以取之者羣猴皆入惟老猴
獨憑高而望終不入至食欲盡四顧無人乃前猶復徬
徨大抵以老猴至而後發機也每食輒置之兩喙稍出
而食之好行未嘗暫止或曰猴無脾故行以消所食猶
象然傳則有病然王延壽賦稱儲糧食於兩頰稍委輸

於胃脾乃是有脾也蓋猴之性躁動今教擾之者皆先
植棧地中使坐其上大抵旬月而後性定既能定矣技
藝乃復易成今廐中多畜之以為令馬不畏辟惡消百
病也猴性躁見物輒鬪故稱沐猴與狗鬪又好殘毀器
物尤工捕蟲論衡曰鹿制於犬猴伏於鼠爪不利也

王延

壽賦有王孫之狡獸形陋觀而醜儀顏狀類乎老公軀體似乎小兒說文為母猴也楚辭

曰獼猴兮熊羆慕類兮以悲老子曰為者敗之猴之性
好詐故稱狙詐狙擊說文狙攬屬莊子稱狙公賦芋曰

朝三而暮四衆狙皆怒曰然則朝四而暮三衆狙皆說
說者以為狙公典狙之官三四者以升計也或又曰狙
公者老狙自賦其徒耳按漢有祝雞翁此狙公蓋亦養
狙者朝四暮三以枚計之爾獬胡似獼猴頭上有髮腰
以後黑或云猴老者為獬胡

猿

猿與沐猴相類靜躁不同耳柳子贈王孫文云惡者王
孫兮善者猿猿性仁不貪食多羣行雄者黑雌者黃雄

者善啼啼數聲則衆蟻叫嘯騰擲如相和焉其音淒入
肝脾韻含宮商故巴峽諺曰巴東三峽巫峽長哀猿三
聲斷人腸援音清者象萬物之數五主音音主援故援
五月而生音清切也其臂甚長人有此相者則以善射
名淮南子曰羿左修臂而善射漢李廣援臂其善射亦
天性也然援以臂長身不便於行舊或言其臂相通其
實未見然援所以壽者以長臂好引其氣也尤好攀援
其飲水輒自高崖或大木上累累相接下飲飲畢復相

收而上在猴亦然漢書西域之國有烏秣者山居累石
為室民接手飲說者以為自高山下谿澗中飲水故接
連其手如蝮之為是亦異矣舊說其色多青白玄黃段
公路北戶錄言有緋蝮絕大越處子論劒術乃有老翁
試之相與周旋以林竹刺之騰上為蝮故劒術號曰猿
翁

山海經堂庭發夾之山其上多白
猿禺山多猿雖吳都賦猿父哀吟

猿

猿父善顧郭氏曰猿猿也似獼猴而大色蒼黑能猿持

人好顧盼博物志云蜀山南高山上有物如猴長七尺
人行健走名曰猴獲或曰猢猻又名馬化同行道婦女
有好者輒盜之以去行者過其傍皆以長繩相引不然
不免取去為室家其生子者終身不得還久亦迷惑不
復思歸生子皆如人以楊為姓故蜀西界中多楊皆猢
獲之種時時猶有獲爪者也古稱善顧顧是雄顧雌如
顧兔之類江賦云狐獲登危而雍容又贊寧說獬豸生西
方深山中面目如獼猴體大如驢善緣木皆雌無雄俗

云大獬須三合而有子羣獬相隨要路上強牽男子而三合之十月而生據此則亦獬之類但所取男女為不同或各據所傳或別一種耳抱樸子云獬壽五百歲則變為獬說文獬獬屬

獬

獬獬蜎類也黑頰青身南方異物志曰交州以南有之其鳴自呼身如獬大面通闕白色其體不過三尺而尾長四尺餘反尾度身過其頭視其鼻仍見兩孔其毛長

柔細滑澤色以白為質黑為文視如蒼頭鴨脇邊斑文
案此則以尾塞鼻有同於雖然吳都賦曰狢鼯猥然騰
越飛超蓋二物歟李肇曰舊說劒南人之采猥然者獲
一猥然則數十猥然可盡得矣何也猥然性仁不忍傷
其類見被獲者聚族而啼雖殺之終不忍去也然則謂
之果然者以其來之可必歟猶常山之蛇擊首而尾即
至故謂之率然此亦古制名之義也周禮巾車然祺注
云然果然也今人亦用作裯褥

鍾毓賦似猴象猿黑頰
青身肉非嘉肴唯皮為

珍元微之詩果然皮勝錦吳錄云獫狁類也色青亦有文居木上九真日南有之

蜼

蜼狢也似獫狁而大黃黑色尾長數尺似獫尾末有岐鼻露向上雨則自挂於木以尾塞鼻或以兩指江東人亦取養之為物捷健江賦曰迅蜼臨虛以騁巧是也蜼讀如贈遺之遺又讀如橘袖之袖其作袖音者或為狢音義皆同孫恒不審乃於一音中分之云蜼獸名似獫狢似獫狣不知似獫者即此獫狣淮南子曰獫狣失木

而禽於狐狸非其所也其招隱曰蝮狄羣嘯兮虎豹嘯
古者有雌爨畫雌於爨謂之宗爨又施之象服夫服器
必取象此等者非特以其智而已蓋皆有所表焉夫八
卦六子之中日月星辰可以象指者也雲雷風雨難以
象指者也故畫龍以表雲畫雉以表雷畫虎以表風畫
雌以表雨凡此皆形著於此而義表於彼非為是物也
考工記曰土以黃其象方天時變火以圜山以章水以
龍鳥獸蛇蓋水為難畫故以龍表之然所以畫者在水

不在龍也智者由此觀之思過半矣

上林賦玄援素雌
雖獲飛蠋廣成頌

尾蒼雌周禮注雌
禹屬叩鼻而長尾

音釋

鹿

貉

音格

禎

莫歷苓

音靈

矮

內則注
於偽反

迹

人迹子亦反
主知禽獸

之里革

下音棘

帝

音弗通作
數鞞也

麋

泥

去聲

寢

麋如與服
志倚龍

伏虎寢
兕之類

麋

於兆反

注介

麋

左傳注介大也麋力倫反
逢澤在滎陽開封縣東北
音咎

麋

音辰

麋

音君與
麋同

純

與豚同

塵

之庚切

麋

與麋同
音京注

稷謹

即肅慎

麋

音几

旄

爾雅注獵長毛也音蠋通
志畧音冒玉篇蠋音妹馮

皮沐 反 勒 音刃

麝

麝父

父通志略 父音甫

麝

音零

注足璠

羊 璠音野 足踏也 麕 五咸切

猴

變

奴刀切

獲

反 九縛切

爲

音若危切

好

爪 好去聲 謂 禹 牛具反

由

甫勿反

喝

喝

古厄反

累

累

通 與 累 噤 胡

善 簞 二 棧 音弋莊子稱

狙 音疽

獠 胡 上音

蟻 音表

稔

反 加 唯 季切 又音袖

獲

居縛反

狙

音疽

獠

胡 上音

蟻

音表

稔

音然

然

然

然

反 加 唯 季切 又音袖

獲

居縛反

狙

音疽

獠

胡 上音

蟻

音表

稔

音然

然

然

然

猱 音果 猱 羊就反 鼯 音吾

趨

田角反

然

禔

莫歷反

雌

惟季切

又

又

又

又

又

又

音 注飛壘 音壘飛生鳥

注叩鼻

工疑切

又

又

又

又

又

又

又

又

又

又

又

爾雅翼卷二十